




H. XIII. 8




Nova-Tacina. Liter. -

937.  
1







Henrici Nicolai

1. Oratio de Protervia quadam Philosophica.
2. Miscellaneorum Exercitationum Decades III.
3. Gymnasium Ethicum.
4. Irenicum sive de differentiis Religionum conciliandi  
Comentatio.



D. O. M. A.

Adl. 67

GYMNASII ETHICI  
EXERCITATIO XII.

De

Manfuetudine &  
cognatis virtutibus.

Quam

PRÆSIDE

HENRICO NICOLAI,

Phil. Profesf. Publ.

*Placidæ ventilationi subicit*

CHRISTOPHORUS JASCHIUS,

Colberg. Pomer.

In Gymnasio Gedanensi.

*Ad diem Octobr.*

Horis locoq; destinatis.

---

DANTISCI,

Typis Viduæ GEORGII RHETII.

Anno M. DC. XLIX.

VIRO

*Integerrimo ac humanissimo,*

Dn. NICOLAO Pegelowen/  
Mercatori Gedanensi conspicuo.

Dn. Amico, Hospiti, ac Contreraneo  
honoratissimo & charissimo.

UT ET

Magni Parentis egregiis Filiis,

VIRO JUVENI,

*Præstantissimo ac Doctissimo,*

Dn. VALERIO JASCHIO,  
Studioſo Argentoratensis Academiæ p. t.  
Solertissimo.



*Eximia ſpei atq; indolis Adoleſcenti,*

Dn. JOACHIMO JASCHIO,  
Literis in Lyceo adhuc patrio gnaviter  
invigilanti.

Fratribus ſuis, ut mellitiſſimis, ita  
oculatiſſimis & ſuaviſſimis,

*Dat, dedicat*

*Illis omnibus addiſtiſſimus,*

Chriſtoph. Jaſchius.  
*Reſpond.*





## EXERCITATIO XII.

De

### Mansuetudine & cognatis virtutib.



uit *Virtus actionem nostram erga alios moderans, Just. particularis. Sequitur Virtus aliorum erga nos actionem moderans, quæ Mansuetudo vocatur, & cognatas virtutes clementiam, lenitatem, tarditatem, patientiam, longanimitatem, mititatem, placabilitatem, complectitur. De quâ porro jam videndum.*

2. *Mansuetudinis vox interdum generaliter sumitur, etiam pro naturali placiditate, quomodo bestia mansueta & fera dicitur, & hominem mansueti ingenij vocamus: Interdum specialiter, pro habitu placidum iræ affectum reddente. Et hoc dupliciter, vel in malam partem, pro lentitudine, ubi in defectu peccatur, V. t. 15. Vel bonam, ubi medium prudentiæ servatur. Sic hic sumitur. Etymologia à manu & assuetudine ducta est, ut denominatio à brutorum ferorum cicuratione sumpta videatur, quæ manuum permulsiōe & fræni reductione mitescunt. Dicitur & lenitas, interdum lentitudo, sanfftmuth/ gelindige/ Est / Gr. *πραότης*.*

3. *Tractatio ejus reali positione, definitione, objecto, divisione, & opposito constare potest.*

4. *Realis positio est, quâ reverâ datur, & distincta ab omnibus particularib. virtutib. species est. Hoc enim negant, qui ad temperantiam aut affine quid eam reducunt, ut Pavonius d. 3. Eth. q. 4. t. 5. Thomas Sec. 2. q. 141. & 157. Raconis d. virt. q. 2. a. 2. Eustachius S. Pauli p. 3. Eth.*



*Eth. f. 4. d. 2. q. 2. Læsius l. 4. d. 1. & j. c. 4. d. 3. Riedt Eth. nova p. 224. & alij. Contrarium patet 1. Quia distinctum objectum ab om. aliarum virtutum objectis hic est, ira, circa quam moderandam mansuet. versari debet. 1. 6. Et distinctus actus virtuosus ab aliis est. E. & distinctum habitum esse oportet. 2. Quia communiter Ethici distinctam ab aliis virtutem eam agnoscunt, ut Arist. 4. Nicom. C. 11. Et 1. Mag. Mor. C. 28. & l. d. virt. & vitiis, Et l. 3. Eudem. c. 8. Guthius d. 13. Eth. Elerus d. 9. Eth. Piccolomin. grad. 4. C. 51. Keckerman. l. 2. Eth. C. 8. Alstedius Eth. 1. C. 17. Eth. 2. C. 16. Eth. 3. C. 21. Bartholin. l. 2. Eth. C. 8. Zapfius di. Eth. 27. Ethica Maurittiana, Golius, Heilandus, Reijerus, Heiderus, Hornejus, alijq.*

5. *Definitio est, Virtus mor. directa mediocritatem prudentiæ in irascendo servare faciens, ut in irâ & vindicta decenter nos geramus. Genus & mediocritas ex d. 4. patent. Coetera ex modo versandi & objecto sumpta. Modus versandi in medium prudentiæ in irascendo servare est, cum nec plus, nec minus irascitur, quàm par est, & res requirit.*

6. *Fiet hoc, si consideretur 1. Objectum, cui irascendum, Quod sit vivum quid, non inanimatum, ut culter, gladius, liber; aut mortuus, nam cessat post funerum, & morte odia finiuntur: Rationis compos, non brutum, quod voluntariè peccare nequit: nec mentis inops, qui commiserationem, non iram, meretur, & injuriam propriè dictam inferre non potest: nec infans, qui proæreticè peccare nequit: improbus & malus, non bonus, & qui benè de nobis aut aliis mereatur, is enim gratiam, non iram, meretur: pertinax & voluntarius, qui ex intentione peccat, quemq; nec pudet, nec poenitet, non casu,*



casu, impetu, imprudentiâ, quique poenitet & culpam deprecatur, Huic enim facile ignoscendum, cum & nos ad labendum prompti simus, Deusque multa quotidiè nobis ignoscat: Inferior aut æqualis, non superior, huic enim reverentia debetur, non ira. 2. *Tempus*, quo inchoari & continuari ira debeat. Non irascendum sub seriâ aut publicâ consultatione, ira enim rationem ligat, & hominem furore æstare facit. *Non sub concione*, hæc enim attentionem, non iratam commotionem meretur, *solenni aliquâ panegyri, publicâ letitiâ aut exhilaratione*, Ut nuptiis, conviviis, tùm enim lætandum, non succensendum, nisi urbanitatis & decori ratio arroganter ab alio violetur, & res moram aut dilationem commotionis ferre nolit: *Punitiōne*, cum poena de quodam sumenda, tùm enim ira affectata est crudelitas: *Nec ultrâ debitum* ira producat vel alatur, ne in odium & furorem abeat, sed abrumpatur. *V. Seneca libros de ira, Plutarchum, aliosque.*

7. 3. *Modus, quo irascendum*, ut cum honestâ proportionem omnium circumstantiarum fiat. ratio honestatis, intellectus nostri, delicti & delinquentis, & poenæ ac vindicantis habeatur, *ut honestas velut regula moderans iram sit*, Ratio in irascendo non vel in totum exuatur, & vindicta tātum quærat & intendatur, inimicitia serantur & exerceantur, reconciliatio non curetur nec admittatur, vel per iram anticipetur, ut in iram proruat, priusquam causæ & circumstantiæ cognitæ vel ponderatæ fuerint, tùm enim ratio turbatur affectu iræ, ut se colligere causamque sufficienter cognoscere nequeat. Undè præcipientia ad iram vehementer hic cavenda. Sic *Athenodorus* Augusto consilium dedit, ut priusquam irascere, alphabetum mente decurreret. & *Ambrosius* Theodosio ut

orationem Dominicam priùs recitaret, quàm in iram pro-  
 laberetur. *Alfred. Eth. 1. c. 17. Et Plato* iratus servum coe-  
 dere volens retraxit se, & coederē te, ait, nisi iratus essem.  
*Item* ut delictum attendatur, ne ira illud excedat, & major  
 poena, quàm culpa sit, sed perpetua inter illas æqualitas  
 sit, undè crescentibus delictis crescere poenæ possunt, sed  
 non excrescere aut excedere, aut genus earum planè  
 mutari: *Et persona vindicantis* ratio habeatur, ne illicitæ  
 privatæ vindictæ amore procedat, sed publica pruden-  
 ter attendatur.

8. *Vindicta enim debita & moderata licita*, quæ offi-  
 cii ac defensionis, *Indebita & immoderata*, quæ affectus  
 ac offensionis est, illicita. *Debita vel publicæ est*, quæ  
 autoritate Magistratus fit, *vel privata*. *Per publicam*  
*Magistratus*, an licitè injuriam vindicare Christianus possit,  
 quæri solet? Negant enim id Photiniani in N. T. Christi-  
 ano licere. *V. Smalcium de div. Chr. c. 5. Et com. Frantz. d.*  
*6. d. reb. civ. se. 2. Et d. 7. d. bon. op. t. 103. 104. Cat. Raco-*  
*viens. major. C. 1. Ostorodus C. 26. Inst. Stegman in proba, C.*  
*11. Socinus co. Paleolog. p. 2. n. 17. seq. Et p. 3. C. 2. Et pau-*  
*cis in Ep. ad Squarcialup. p. 21. Et L. quæd Evangel. c. 3. Anono-*  
*mus non habet Christi C. 5. Quibus consentiunt Anabaptista.*  
*V. Pontanum c. 1. Catal. her. Et Weigelius Dom. 22. post Trin.*  
*alijs.* Falsò omnes. Magistratus enim vindex in poenam  
 malefici est. *Roman. 13. v. 4. 1. Pet. 2. v. 14.* Et non frustra  
 gladium gerere debet. Si vindicta ejus legitima, E. & justè  
 à Christiano postulari potest. Quod enim Magistratus ju-  
 re exsequitur, id, ut exsequatur, Christianus jure postulare  
 potest. Et Magistratus *subditus in bonum* constitutus est, *c. l.*  
 Nempè ut bonum publicum promoveat, justitiam admini-  
 strando, justos defendendo, fontes puniendo. E. hoc bo-



num Christianus licitè adhibere & implorare potest. Et Christus in parabolà *Matth. 5. v. 25. Luc. 12. v. 58.* accusantem ad judicem probat, non damnat, tantùm conciliandi promptitudinem commendat, itemq; *Paulus 1. Cor. 6. v. 5.* vult esse inter Christianos, qvi inter fratrem suum judicare possint, non coram Ethnicis Christianos litigare vult. Si hi esse debent, E. & judicium eorum in vindicando injuriam implorari potest. Sic Paulus ad Imperatoris judicium in vindicandà iniquà Judæorum censurà provocavit, *Act. 25. v. 10. C. 28. v. 19* Et ad jus civitatis Romanæ, *C. 16. v. 37. C. 22. v. 25.* E Christianis n. Judex tùm non erat.

9. *Dices 1. Christus jubet non resistere malo, non vindicare injuriam, Matth. 5. v. 38. Luc. 6. v. 29.* E. nec vindicta injuriæ per Magistratum postulanda. *R. Non est vindicanda injuria à temetipso, turbis enim, Apostolis, & auditoribus ista dixit Christus, qvi omnes privati erant, qvorù non est, injurias vindicare, sed tolerare: Non autem Magistratibus, qvorum munus per id Christus non abstulit, non enim solvere legem, sed implere venit, Matth. 5. v. 17.* In lege autem Magistratus officium & status à Deo jussus & institutus est. *Deut. 16. v. 18. Exod. 22. v. 9. C. 23. v. 6. Deut. 25. v. 1.* Et vindicta ergò ei adimi neqvit: Sed Magistratui id committendum, qvi injuriam vindicabit, & sic innocentem defendet. Is enim vindex ad iram à Deo constitutus est, *1. 3.* Ejusq; judicium Dei judicium est, *Deut. 1. v. 17. 2. Chron. 19. v. 6.* Deusq; ipse in medio Deorum judicat, *Psal. 82. v. 1.* Et cum Magistratus non habetur, aut officio suo deest, tum injuria privato omninò ferenda, & sic malo non resistendum est. Sic Christus Corpus percutiendum præbuit, *Esai. 10. v. 6.* Et vindictam Deo justè judicanti commisit, *1. Pet. 3. v. 23,* Qvod Christiano imitandum.

2. Chri-

10 2. *Christus vetat* in iudicio litigare, & si quis te in  
jus trahere velit, ei & pallium permitti debere jubet, *Matt.*  
*5. v. 40.* E. magis vindictam Magistratus improbavit. R. *Pri-*  
*us omnia tentanda sunt*, ut & cum damno nostro potius ali-  
quid concedamus, quàm ad iudicium præcipitur, Corà  
quo contendere majora incommoda quandoq; sequuntur,  
quæ minoribus damnis anteverti possunt. Benevoli adver-  
sario esse debemus, ne iudici nos tradat, *v. 25.* Ubi iudi-  
cium probatur, sed promptitudo conciliandi syadetur. *1. 8.*  
3. *Paulus* potius injurias ferre, et fraudes admittere, quàm  
iudicia exercere docet, *1. Cor. 6. v. 7.* R. Quàm iudicia apud  
*infideles Christianum* exercere docet, hæc enim eum dede-  
cent: Non autem absolutè iudicia reprobant, sed vult ex ip-  
*sis Christianis inter Christianos iudices eligi*, qui de causis illo-  
rum cognoscant, ne apud gentiles Magistratus litigare co-  
gantur, quod suspectam religionem Christianam facit. Se-  
cùs ipse ad Cæsarem provocavit, quia ex Christianis iudi-  
cem habere non potuit, *1. 8.* Et ipsi Corinthij Christiani  
sele frandabant & damnis afficiebant, ac sæpè de leviculis  
injurijs apud infidelem Magistratum contendebant. Hoc  
*Paulus* improbat. 4. *Caritas* delicta tegit ac operit, *Prov.*  
*10. v. 12. 1. Pet. 4. v. 8.* Et inimici diligendi sunt, *Matth. 5.*  
*v. 44.* E. non vindicta de illis postulanda, vel per Magi-  
stratum procuranda. R. In privatis offensionibus operien-  
dum, ferendum, tolerandum, *1. Cor. 13. v. 7. Colos. 3. v. 13.*  
In publicis & damnis gravioribus, quæ salvà disciplinà ac  
tranquillitate publicà tolerari vel mitigari nequeunt, Ma-  
gistratus suum agere, & bonos tueri, malos vindicare, de-  
bet. Eò enim positus est. *Rom. 13. V. 1. 8.*

II. 2. *Queritur, an mansuetudini in Christianis in*  
*N. T. conveniat, Magistratum in facinorosos gladio animad-*  
*vertere?* Hoc iterùm *Photiniani* negant, *Ostrodus C. 28.*

*Inst.*



*Inst. Smalcus C. Frantz d. 6. d. reb. civit. & disp. 7. d. bon. op. Et Anabaptista in Colloq. Frankenthal. Quamquam Menno in fundam. p. 231. seq. Jus gladij Magistratui largiatur, Consentit Weselius in 22. p. Trinit. & Dom. Viridium, Ex antiquiorib. Lactantius L. 6. div. Inst. C. 20. alijs. Falsò & hoc.*  
*1. Quia generale Præceptum in N. T. non abrogatum est, qui Sangvinem humanum fundit, ejus Sangvis iterum per hominem effunderetur, Gen. 9. v. 6. Nec comminatio & prædictio hic, ut Photiniani regerunt, sed præceptum & institutio est, quid fieri debeat, ut adjunctæ rationes, cur sanguis fundendus, docent, Quia Deus requirere velit sangvinem hum: cœdem quacunq; ratione infallibiliter vindicare, ut homicida ultionem non effugere debeat, etiam de manu bruti, ut nec brutum impune hominem occidere debeat, Etiam de manu viri fratris, quicunq; nempè homo fuerit, qui ut frater fraternè cum altero vivere debet, non ut latro eum occidere, & si Magistratus non sciat aut curet cœdem, Deus extraordinariè eam per seipsum vindicaturus sit, & quia ad imaginem DEI homo factus sit, quæ imago non potest impunè destitui ac lædi, nam læsà ipsa ipse Deus læditur, quod finè vindictæ relinqui non debeat. Et si prædictio futuri hic esset, quadantenus falsa esset, cum non omnium homicidarum sanguis iterum fundatur, sed sæpiùs homicidia ignota, & in hac vitâ impunita maneant.*  
*2. Quia in N. T. peculiariter à Christo repetitur. Qui gladium sine vocatione, privato ausu, & temerè ad id sumat, eum gladio periturum, Matth. 26. v. 25. Inde q; Petrus, ut non Magistratus, sed privatus & Apostolus, demonetur, ne gladium usurpet, ne iterum in gladium Magistratus divinitus illi commissum, Rom. 13. V. 1. S. incurrat. Hoc particula omnis docere possit, verendum*

nempè, ne jus illud incurratur, etiamsi de facto Magistra-  
tus interdum conniveat aut dormiat, & gladium in pro-  
meritos non stringat. 3. *Quia* Magistratus & in N. T. gla-  
dium non frustrâ gerere dicitur, sed vindex in malum dici-  
tur, *Rom. 13. V. t. 8. E.* & eum in quosdam stringere licebit.  
Et indifferenter de omni Magistratu id dicitur, non ad gen-  
tilem determinatur, ut verba docent, *v. 1. 2. 3.* Inde q; ter-  
rori malè agentibus esse dicitur. Et potestas gladio arma-  
ta *Det ordinatio, & Magistratus Dei minister* vocatur, ut non  
quid faciat, sed qualis potestas ea sit, describat Apostolus.  
*De oppositis* in discursu videbitur.

12. 3. *Quæritur, An mansuetudini Christiana N. T.*  
*consentiat, in hæreticos capitaliter animadvertere?* Affirmant  
*Papista. Bellarm. L. 3. d. Laic. C. 21. Thomas 2. 2. q. 11. Valentia*  
*T. 3. d. 1. q. 11. Tholosanus C. 12. d. Rep. c. 4. Bannes in Thom.*  
*Lesius, Costerus Apolog. c. Gomarum, Et ex Reformatis Cal-*  
*vinus pecul. libro, Aretius in histor. Valent. Gentilis, & Beza*  
*l. d. hæret. alijq; plerisq; tamen contradicentibus:* Quan-  
quam *Zanchius* omnes ferè è suis hoc sentire dicat, hæreti-  
cos gladio puniendos esse, *T. 2. miscell. C. d. Magistratu.* Nos  
negamus. *Partim* enim Ecclesia Christiana à mansuetudi-  
ne commendatur, *Esai. 2. v. 4. C. 2. v. 6. seq. Mich. 3. v. 3.*  
Eaq; virtus peculiari Christi mandato & exemplo propo-  
nitur, *Matth. 11. v. 28.* Et Apostoli ignem accedes in Sa-  
maritanos spirantes ad eandem à Christo revocantur, ut  
cogitent, cujus Spiritus filii sint, *Luc. 9. v. 55.* *Partim* nu-  
spiam tale extirpandi genus à Christo aut Apostolis præ-  
scriptum est, sed longè aliud, fugiendi & devitandi hære-  
ticos, probandi Spiritus, & attendendi doctrinis, excom-  
municandi, *Rom. 16. v. 17. Act. 20. v. 30. Phil. 3. v. 20. 2. Tim.*  
*2. v. 24. C. 4. v. 2. seq. 1. Tim. 1. v. 20. Tit. 3. v. 10. 1. Joh. 4.*  
*v. 1.*



v. 1. 2. *Job. v. 10.* Et Zizania relinqui à Christo jubentur, non extirpari, ne simul & triticum extirpetur, *Matth. 13. v. 30.* Vbi per Zizania inprimis hæreticos intelligi scopus & circumstantiæ parabolæ, multiq; Patres, ut *Augustinus, Chrysostomus, Hieronymus, Theophylactus*, docent, nec *Spiritus Christi sanguinem hominum, sed conversionem, sitit*, quia mitis & mansuetus est, ut Christus ipse, *Matth. 11.* Dices: Mansuetudo docet etiam, ut Ecclesia filiorum suorum misereatur, se-  
cus immitus esset, si magis lupis, quàm ovib. parceret. Et experta est prius alias rationes reducendi hæreticos, priusquam ad ultimum capitis supplicium procedat. Per quod satis servatur mansuetudo. R. Satis misereatur Ecclesia filiorum, cum ostendit, notificat, & vitari jubet hæreticos, nec ob id par-  
cit lupis, etiamsi non occidat, non enim hoc facere tene-  
tur, sed relinquere eos: Et alias rationes reducendi eos experiri debet Ecclesia exemplo Christi & Apostolorum, nunquam autem ad capitale supplicium procedere. Hoc enim cum mansuetudine ejus pugnare etiam *Augustinus* observavit, ut *Bellarmin. c. l. c. 21.* fatetur. Et nulli bono in Ca-  
thol. Ecclesia id placere dicit Idem l. 3. C. Crescon. c. 10. Si ad mortem usq; in quenquam, licet hæreticum, serviatur.


13. Vindicta privata est, qua à privato in privata causâ exercetur, ut cum pater in domo peccata liberorum & ser-  
vorum vindicat, aut aliquis injustè ab invasore occupatus è vestigio cum moderamine inculpata tutela vitam suam ab in-  
juriâ vindicare tenetur, quo in casu vindictam licitam esse necessaria vitæ defensio, quæ juris naturalis est, docet, &  
pleriq; concedunt. Quanquam ex Pontificijs quidam ultra hoc extendunt, & etiam pro defensione rerum & bonorum, honoris, fama, aut si quis sciat, alterum falsum testimonium apud judicem de te dicturum, alium occidi posse sentiunt,  
ut Na-

ut *Navarrus, Antoninus, Sylvester, alijs.* Quas sententias incongruas in Christianismo esse melius vidit ex iisdem *Lesius l. 2. d. iust. c. 9.* Et ex nostris *Meisnerus p. 3. Ph. Job. f. 1. c. 6. q. 6.* Qui videantur.

14. *Objectum mansuetudinis internum appetitus irascendi & ipse ira affectus, Externum omne iram concitans est.* Ut *dammum, injuria, contumelia, mendacium, fraus, &c.* Et in his vocatur *lenitas*: Item *vindicta & poena ipsa, & in hac moderanda clementia vocatur, Virtus Principibus & Magistratibus valde necessaria. V. Marliani the. Polit. c. 3. Senecam libris de Clement.* Secus ac *Machiavellus* vult, qui *damnosam Principi statuit, & foevitiam commendat.* Contra quem late agit *AntiMachiavell. l. 3. th. 8. 9. seq.* Et *exercebitur mansuetudo, Si causa irascendi considerentur, Objectum, cui irascaris, V. t. 6.* Circumstantiæ attendantur, *tempus, locus, c. l.* Mandata Dei cum serverà comminatione conjuncta, *Matth. 5. 6. 18. Luc. 6.* Ipsumq; Dei exemplum, naturæ generositas, virtutis utilitas, crudelitatis damnositas, aliaq; diligenter attendantur, ut *alibi plura.*

15. *Divisio ejus in lenitatem, placabilitatem, tarditatem, patientiam, longanimitatem, & clementiam est.* *Lenitas est,* cum iram provocantia miti animo superantur, & ab ira inordinatâ temperatur. *Placabilitas,* quando offensæ facillè remittuntur, & oblivioni traduntur; *Tarditas,* cum consideratè ad irascendum proceditur, non præcipitatur. *Patientia,* quando injuriosa tolerantur & superantur, non ad vindicandum statim proruitur. *Longanimitas,* quâ ira sedato animo fertur, ne nobis ipsis noceat. *Clementia,* quâ vindicta ac poena ipsa mitigatur, non exasperatur. *t. 14. Opposita excessus sunt,* ut *iracundia, vitium morale in irascendo modum excedens, & defectus, lentitudo ac stupor, conniventia, ac indulgentia, &c.*



itini  
ere  
and  
re.  
li-  
to:  
are,  
  
no-  
r li  
pe-  
"

